

**Theologia Scholastica Secundum Viam Et Doctrinam D.  
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

§. I. Præsupposita.

---

[urn:nbn:de:hbz:466:1-73455](#)

de perenda sit Divinæ scientiæ certitudo respectu futurorum contingentium absque liberi arbitrii præjudicio, ne in Calvini casses incidas, bicorni ipsius dilemmate con-victus: aut DEPS scit me salvandum, aut non salvandum, &c. Ubi merito observat illistris, Reding hic q. 5. a. 4. controv. 1. conclusum fuisse apud Antiquos, DEUM futura ratione iux voluntatis & decreti cognoscere, ita ut unum esset in præsenti puncto antiquis Doctoribus Theologiae labium, ipsæ quoque D. Thomæ & Scoti Scholæ concordarent in unum. At verò dum RR. novam struunt sententiam scientiæ mediae, ipsi contingit, quod turris Babilonicæ adficatoribus, ut nempe illorum lingue confunderentur, & non audiret unusquisque linguam sui proximi, dum in tot dividuntur sententias, quot fere sunt capita, quarum diversas refert allegatus Reding. Huius porro controversiæ resolutio cùm dependeat ab illa quæstione, in quo consistat rerum futuritio, & quomodo possit esse cognoscibilis, ideo sit.

## ARTICULUS I.

## *Quid sit futurum?*

#### S U M M A R I A

1. *Divisio futuri in necessarium & contingens.*  
 2. *Futuri contingens, in absolute & conditionate futurum.*  
 3. *Omnis futura pertinent ad objectum Divine scientie.*  
 4. *Certitudinem Divina scientia non salvat praesentis coexistens futurorum in eternitate.*  
 5. *Futuri explicatio apud Recentiores.*  
 6. *Definitio futuri Thomistica.*  
 7. *Auctoritas S. P. Augustini.*  
 8. *Auctoritas Doctoris Angelici.*  
 9. *Impugnatio contraria definitionis.*  
 10. *Ratio prima, quod denominatio futuritionis non posse esse intrinseca.*  
 11. *Ratio secunda, quod per determinationem cause res futurae extrahantur e statu possibiliteratis.*  
 12. *Eliditur Adversariorum responsio.*  
 13. *Quoniam finis simpliciter futura, que non?*  
 14. *Quenam de futuris contingentibus datur scientia?*  
 15. *Denominatio futuri convenit de praesenti.*  
 16. *Veritas futuron contingentem non est intrinsecus determinata, sicut præteriorum.*  
 17. *Necessitas propositionis disjunctiva, & regula contradictionum non evincunt determinatam veritatem & falsitatem propositionum de futuris contingentibus.*  
 18. *Propositio de futuro quomodo differat a propositione de inesse?*  
 19. *Implicit futurio presupposita omni decreto Dilem doctrina D. Thome.*  
 20. *Et S. Augustini.*  
 21. *Rationes implicantiae.*  
 22. *Occurrunt Adversariorum responsioni.*  
 23. *Falsitas propositionum de futuris contingentibus ante decretem DEI.*  
 24. *Quis sit sensus disjunctiva propositionis: Antichristus vel erit, vel non erit?*  
 25. *Propositio: Antichristus erit, ante decretem non datur.*  
 26. *Ex duabus propositionibus de futuris contingentibus neutra est determinatè vera, vel falsa.*  
 27. *Quales proprietates propositionum sint veritas & falsitas?*  
 28. *Exponitur mens D. Augustini in contrarium adducti.*  
 29. *An & quomodo sit absurdum, aliquid futurum nos fieri?*  
 30. *An sit absurdum futurum constitui per aliquid praesens?*  
 31. *Diluitur instantia ex S. Augustino.*  
 32. *Disparitas inter præterita & futura.*  
 33. *An Antichristus sit per hoc formaliter futurus, per quod erit formaliter?*  
 34. *Non sequitur causari decretem DEI, tametsi per illud formaliter constitutatur futurum causatum a DEO.*  
 35. *An sola negatio cum existentia consequente sint sufficiens determinativum futuri.*  
 36. *Quomodo formalis malitia peccati constitutatur futura?*

§. I.  
Præsupposita.

**S**UPONNO primò. Futurum aliud esse necessariò futurum, aliud contingenter: necessariò futurum est, quod habet causam sui necessariam; contingens, quod habet causam fallibilem. Futura necessaria à Divina scientia certissimè cognosci manifestum est, siquidem scientia comprehensiva causa etiam comprehendit omnes effectus necessariò contentos in illa: cùm ergo Divina scientia perfectissimè comprehendat omnes causas creatas, consequenter etiam comprehendit omnes effectus necessariò contentos in iisdem,

Suppono secundò. Futurum contingens dividitur in absolute & conditionate futurum. Illud est, quod est aliquando ponendum extra causam in certa temporis differentia, nec referit, quantumvis eorum existentia ab aliqua conditione pendeat, dummodo & ipsa conditio sit implenda. Conditionate futurum dicimus, quod non est, sed est ponendum extra suas causas, si qua conditio impletur, qua tamen nunquam impletur: veluti quod Sidoni essent convergendi, si Christus apud ipsos haec signa faceret, que fecit apud Iudeos, &c.

§. I.  
*Præsupposita.*

### *Præsupposita.*

**S**UPPONO primò. Futurum aliud esse necessariò futurum , aliud contingenter : necessariò futurum est , quod habet causam sui necessariam ; contingens , quod habet causam fallibilem . Futura necessaria à Divina scientia certissimè cognosci manifestum est , siquidem scientia comprehensiva causa etiam comprehendit omnes effectus necessariò contentos in illa : cùm ergo Divina scientia perfectissimè comprehendat omnes causas creatras , consequenter etiam comprehendat omnes effectus necessariò contentos in iisdem .

Suppono secundò. Futurum contingens dividi in absolute & conditionate futurum. Illud est, quod est aliquando ponendum extra causas in certa temporis differentia, nec referit, quantumvis eorum existentia ab aliqua conditione pendeat, dummodo & ipsa conditio sit implenda. Conditionatae futurum dicimus, quod non est, sed est esse ponendum extra suas causas, si qua conditio impletetur, qua tamen nunquam impletur: veluti quod Sidonii essent convertendi, si Christus apud ipsos haec signa faceret, que fecit apud Iudeos, & nunquam facturus fuit apud Sidonios.

SUP-

3. Suppono tertio tanquam de fide certum, futura non tantum certa, qua necessariam habent connexionem cum suis causis, sed etiam contingens, que contingenter & fallibiliter connectuntur, sub Divina scientia objecto contineri, contraria quam olim cum Ethnici compluribus existimabat Cicero 1. 2. d. nat. deorum, afferens, eos solùm effectus & eventus à DEO cognosci, qui à causis naturalibus pendent. Hoc quippe evincent plurima Script. testimonia, quibus futurorum contingentium scientia DEO assisteret, ut pl. 138. Dan. 15. Is. 14. unde Tertull. 2. contr. Marc. *Præscientia*, inquit, *DEI tot habet sejtes, quod fecit prophetas*. Et S. August. 5. d. Civ. c. 9. *Confiteri esse DEUM, & negare præscientiam futurorum, apertissima insanta est*. Ratio quoque est, quod nec DEUS haberet infinitam scientiam, nisi omne cognoscibile comprehendenseret, nec infinitam de rebus providentiam, nisi ipsius cognitioni etiam futura contingens subjecerentur. Quod non modo de futuris contingentibus, à nulla conditione pendebut, sed etiam conditionatis, & à conditione quamvis nunquam ponenda & purificanda pendebut dicendum esse, constabit ex iis, quae seq. disp. trademus.

4. Suppono quartum. Quamvis non tantum ratio clarae intuitionis, sed etiam aliqua certitudine & infallibilitas divinae scientiae ex parte objecti in præsentiam & coexistentiam rerum in æternitate refundi possit, eò quod nihil dum existit, non existere, atque adeò divinam scientiam fallere posse; tamen hanc rerum præsentiam nec esse adæquatam, nec ultimatum rationem certitudinis in scientia futurorum: Non adæquatam, quia contingens futura pure conditionata certo sciuntur à DEO, quamvis nullam habeant præsentiam in æternitate; quippe nunquam extra causas ponenda: Non etiam ultimatum, quia nisi presupponatur res in sua duratione futura, non habet, unde æternitati divinae coexistat. Ideo quippe res futura DEO sunt in æternitate præsentes, quia æternitas fuā simultanea mensuratione continet omnem inferiorum durationis & temporis differentiam: ergo nisi res in aliqua parte & differentia temporis futuri supponantur, non est, unde ab æternitate DEI contineantur, atque ita refolvit Eminentius. noster Aguirre in Monolog. tract. 3. disp. 46. le. 2.

## §. II.

### Definitio Thomistica futuri.

5. Communior Recentiorum, ut viam sternat pro scientia media, repudiata antiquorum definitione, futurum definit, esse illud, quod modo non habet, sed habebit existentiam in tempore subsequenti: ita ut essentia futuritionis nihil aliud dicat, quam negationem existentiae pro ipso tempore futuritionis, & ipsam existentiam postponendam. Unde docent primò. In futuritione rerum duo instantia comprehendi, quorum una habet veluti terminus à quo, alterum veluti terminus ad quem. In priori instanti, quo res enuntiatur futura, non magis est, quam res possibilis, ut enim D. Augst. 1. 11. Confess. c. 14. & seq. *Quod autem nunc liquet & clares, neque futura*

*sunt, neque præterita.* In secundo instanti res futura eriam non est, sed erit, quando illud ipsum instans erit, in quo fore supponitur.

Unde docent secundò. Denominationem futuri non esse defumendam ab aliqua præfenti formalitate, sed per habitudinem ad illud instans, in quo erit, cum de præsenti res futura nihil sit; id est, quæ rectius dici de futuris, quod existent vel erunt, quæ quod sim futura.

Docent tertio. Dupliciter rem dici determinatam, vel indeterminatam. Intrinsecè & formaliter, ac rursus extrinsecè & causaliter. Intrinsecè & formaliter quodlibet est determinatum per suum entitatem: & in hoc nulla est, ajunt, differentia inter actum liberum, & necessarium: quia non minus amor DEI v.g. liberè elicitus, est perfummet entitatem formaliter limitatus & determinatus ad certam (speciem & individuum) actum, quam calor, quem ignis efficit necessarij, per suum entitatem sit determinatus formaliter ad speciem & individuum caloris. Extrinsecè & causaliter aliquid est determinatum per extrinsecam denominationem à sua causa, & in hoc est differentia inter actum actum liberum ac necessarium: actus enim liber, quia procedit à causa determinata; est etiam extrinsecè & causaliter determinatus: contra actus liber est extrinsecè indeterminatus, quia procedit à causa indifferente.

Ex hoc deducunt & Docent quartò: veritatem de futuro contingenti, non minus esse formaliter determinatam, quam de futuro necessario. Si enim primum instantis & terminum à quo futuri contingenti consideres, si neutrum est in formaliter; si posterius instantis, & terminum ad quem, tunc pari determinatione intrinsecè utique effectus correspondet huic instanti, pro qua enuntiatur futurus, & sola manet differentia quod ad determinationem extrinsecam.

Docent quintò, ex duabus propositionibus contradictoris de futuris contingentibus v.g. *Antichristus erit, Antichristus non erit*; non minus alteram esse determinatè veram, vel faliam, quam de præsentibus & præteritis. v.g. *Antichristus fuit*, quia sicur veritas hujus propositionis habetur ex suppositione instantis præteriti, in quo de præfenti fuit verum dicere; *Antichristus est*, habuitque objectum intrinsecam determinationem sua veritatis, ita hæc propositione *Antichristus erit*, habet suam veritatem ex suppositione instantis futuri, in quo hæc propositione de inesse (*Antichristus est*) erit vera, & habebit intrinsecam determinationem. Quando Aristot. in l. 1. de interpret. contrarium sensit, ajunt, illum vel suis locutum de veritate & falsitate propositionum in ordine ad nos, non ad cognitionem divinam, vel esse errorum ipsius Theologo non curandum. Ita ferè teniunt RR. cum Veckeno disp. 18. c. 4. & tandem ex horum omnium suppositione concludunt, cum ex duabus propositionibus de futuris contingentibus altera ab intrinseco debeat esse determinatè vera, altera determinatè falsa; tandem quoque veritatem divinae cognitionis, quippe quam nullum verum & cognoscibile latere potest, antecedenter ad omne decretum objicit, sive illa videat immediate in se ipsis, sive in sua essentia tanquam specie, vel speculo representante.

CON-